

Image not found

<https://letteraturaeuropea.let.uniroma1.it/sites/all/themes/business/logo.png>

Published on *Lirica Medievale Romanza* (<https://letteraturaeuropea.let.uniroma1.it>)

Home > BERNART DE VENTADORN > EDIZIONE > Ara no vei luzir soleill > Tradizione manoscritta > CANZONIERE A > Edizione diplomatica

Edizione diplomatica

Image not found https://letteraturaeuropea.let.uniroma1.it/sites/default/files/A%201_1.jpg	Bernartz deuentedorn. ARa non uei luzir soleill. Ta(n)t mi son escurzit li rai. E ies per aisso nom esmai. Cuna clardatz mi soleil la. Damor qinz el cor mi raia. Eqand autra gens sesmaia. Eu meillur enans que sordei. P(er) que mos chans nois sordeia. Prat mi semblon uert euermeill. Aissi cum el doutz temps demai. sim
--	--

Image not found

<https://letteraturaeuropea.let.uniroma1.it/sites/default/files/A%20-%2091v.92.jpg>

ten fin amors coinde egai. neus mes
flors blanca euermeilla. Et iuerns
calenda maia. Qeil gensser ela plus
gaia. Ma promes q(ue) samor mautrei.
Sanqer no lam desautreia.

Paor mi fant maluatx cosseill. Per qel
segles mor edechai. Caras sacoston li
sauai. Elus ab lautre cosseilla. Cossi
finamors deschaia. A maluza gens
sauaia. Qui uos ni uostre cosseill crei.
Dompnidieu p(er)da edescreia.

Daqestz mi rancur em coreill. Car mi
fan ira (et) esglai. Epesa lor del ioi qieu
ai. Epoi chascus sen coreilla. Delautrui
ioi ni sesmaia. Ia ieu meillor dreich
non aia. Cab sol deport uenz egerrei.
Cel qui plus fort mi gerreia.

Nuoich eiorn plor cossir eueill. Pens
esospir epuois mapai. On mieills me-
sta (et) ieu pieitz trai. Mas us bos respi-
eitz mesueilla. Don mos cossiriers sa
paia. Fols p(er) que dic que mal traia. car
aitan ric amor enuei. Pro nai de sola
lenueia.

Ia ma dompna nois meraueill. Sil qier
qem don samor nim bai. Contra la
foudat qieu retrai. Farai genta me-
raueilla. Sil ia ma colla nim baia. Er
ia doncs com mi retraia. A cal uos ui
ecal uos uei. P(er) benanansa qem ueia.

Bernartz clama sidonz mercei. Uas cui
tant gen si merceia. E si eu en breu no
la uei. Non crei q(ue) longas la ueia.

- letto 370 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-1490>